

Broj:1-25-16-4-674-50/18
Mostar, 09.10.2018.godine

Na osnovu člana 17. Zakona o Agenciji za pružanje usluga u zračnoj plovitbi Bosne i Hercegovine („Službeni glasnik BiH“, broj: 43/09), člana 20. i člana 24. Statuta Agencije za pružanje usluga u zračnoj plovitbi Bosne i Hercegovine („Službeni glasnik BiH“, broj 63/10), člana 64. stav (1) tačka a), člana 70. stav (1), (3), i (6), Zakona o javnim nabavkama Bosne i Hercegovine („Službeni glasnik BiH“, broj 39/14), člana 8. stav (2) tačka f) Pravilnika o uspostavljanju i radu Komisije za nabavke (Službeni glasnik BiH“, broj 103/14), na Preporuku Komisije za javnu nabavku broj: 1-25-16-4-674-49/18 od 04.10.2018.godine, u otvorenom postupku javne nabavke usluga programa osiguranja za potrebe Agencije za pružanje usluga u zračnoj plovitbi BiH, direktor Agencije za pružanje usluga u zračnoj plovitbi Bosne i Hercegovine, na osnovu zaključka sa 77. sjednice Uprave Agencije održane 05.10.2018.godine, donosi

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javnu nabavku usluga programa osiguranja za potrebe Agencije za pružanje usluga u zračnoj plovitbi BiH u otvorenom postupku, broj: 1-25-16-4-674-49/18 od 04.10.2018.godine i ugovor za javnu nabavku usluga programa osiguranja za potrebe Agencije za pružanje usluga u zračnoj plovitbi BiH dodjeljuje se ponuđaču **Uniq Osiguranje d.d. Sarajevo, Obala Kulina bana 19, 71 000 Sarajevo**, s ukupnom ponuđenom cijenom u iznosu od **386.813,66 KM bez PDV-a**, primjenjujući kriterij ekonomski najpovoljnije ponude.

Član 2.

Za izvršenje ove Odluke zadužuje se i ovlašćuje Komisija imenovana Odlukom broj: 1-11-16-4-674-3/18 od 02.04.2018.godine i Odlukom broj: 1-11-16-4-674-26/18 od 09.07.2018.godine.

Član 4.

Ova Odluka objavit će se na web-stranici www.bhansa.gov.ba, istovremeno s upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

Član 5.

Ova Odluka stupa na snagu danom donošenja i dostavlja se ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

Obrazloženje

Dana 04.10.2018.godine Komisija za nabavku usluga programa osiguranja za potrebe Agencije za pružanje usluga u zračnoj plovitbi BiH, postupajući po Rješenju Ureda za razmatranje žalbi broj: JN2- 01-07-1-487-7/18 od 27.09.2018.godine kojim je poništena Odluka ugovornog organa o izboru najpovoljnijeg ponuđača broj: 1-25-16-4-674-35/18 od 23.07.2018.godine, je izvršila ponovnu evaluaciju pristiglih ponuda te utvrdila sljedeće:



bhansa

AGENCIJA ZA PRUŽANJE USLUGA U ZNAČNOJ
PLOVIDBI BOSNE I HERCEGOVINE
АГЕНЦИЈА ЗА ПРУЖАЊЕ УСЛУГА У ВАЗДУШНОЈ
ПЛОВИДБИ БОСНЕ И ХЕРЦЕГОВИНЕ
BOSNIA AND HERZEGOVINA AIR NAVIGATION
SERVICES AGENCY

Ponovnim uvidom u ponudu ponuđača ASA Osiguranje d.d ustanovljeno je da ista ne zadovoljava uslove tražene sukladno tenderskoj dokumentaciji ugovornog organa broj: 1-11-25-16-4-674-6/18 u dijelu tačke 13.2. Tehnička i profesionalna sposobnost, odnosno podtačke 13.2.3. Za osiguranje od odgovornosti iz djelatnosti i podtačke 13.2.3.3.

Naime, navedenom podtačkom je propisano da su ponuđači bili dužni dostaviti Potvrdu o reosiguravajućem pokriću za predmetnu nabavku – za osiguranje od odgovornosti iz djelatnosti. Navedena potvrda podrazumjeva dostavljenje pisanog akta (dokumenta) Predugovora o fakultativnom reosiguranju rizika kojim se reosigurava predmet osiguranja. Na stranicama br: 229-275 ponude ponuđača ASA Osiguranje d.d Sarajevo br: 1-0907/18 od 09.07.2018.godine ponuđač je dostavio dokument: „Pojediniosti o riziku CMV Aviation Insurance Brokers“.

Naime, Komisija je konstatovala da je ponuđač bio dužan u svrhu dokazivanja tehničke i profesionalne sposobnosti dostaviti:

„Predugovor o fakultativiom reosiguranju rizika kojim se reosigurava predmet osiguranja, iznad iznosa samopridržaja a do punog iznosa limita i podlimita polise osiguranja imovine; i Izjava dobavljača/osiguravatelja da će u roku od 15 dana od dana zaključivanja ugovora dostaviti potvrdu o reosiguravajućem pokriću za premetnu nabavku- Ugovor o zaključenom fakultativnom reosiguranju između osiguravatelja i reosiguranja; Ugovor o zaključenom fakultativnom reosiguranju između retrocedenta i reosiguranja; slip reosiguranja i reosiguravajuću cover/note napomenu (za predmetnu nabavku u skladu sa dobrom praksom kontrole rizika i osiguranja); original potpisan i ovjeren od strane ovlaštenih lica dobavljača.“

Iz naprijed navedenog proizlazi da ponuđač ASA osiguranje d.d. nije postupio u skladu sa zahtjevima iz tenderske dokumentacije odnosno da je ponuda ponuđača neprihvatljiva.

Postupajući po Rješenju URŽ-a Ugovorni organ je ponovnim uvidom u ponudu - Konzorcija : Triglav osiguranje dd i Euroherc osiguranje dd utvrdio sljedeće:

Član grupe ponuđač (Euroherc osiguranje d.d.) nije postupio u skladu sa tačkom 13.2.8.1. tenderske dokumentacije, odnosno nije dostavio potvrdu o reosiguravajućem pokriću za predmetnu nabavku (autoodgovornost). TRIGLAV Osiguranje je u okviru svoje ponude dostavio potvrdu BOSNA RE-a broj 1690/18 od 29.6.2018. godine za reosiguranje obaveznog osiguranja, međutim član grupe ponuđača EUROHERC d.d isto nije učinio, niti je isti reosiguran po ovom riziku.

Dakle, ugovorom o konzorciju su članovi grupe "raspodijelili" kako premiju i rizike tako i odgovornost čime su derogirali zakonsku pretpostavku da se članovi grupe mogu osloniti na kapacitete jedni drugih, a istovremeno EUROHERC koji je ugovorom preuzeo obaveze i odgovornosti, ugovornom organu nije dostavio potvrdu o reosiguranju autoodgovornosti kako je zahtjevano tenderskom dokumentacijom. Na stranici 169 u ponudi grupe ponuđača priložen je „Konzorcionalni ugovor“ između Triglav osiguranja dd i Euroherc osiguranje dd u kojem je u članu 3. propisano:

„Način i obim nošenja i raspodjele rizika

Ovim ugovorom o zajedničkom nošenju i raspodjeli rizika u pogledu osiguranja zaposlenika, osiguranja od odgovornosti iz djelatnosti, osiguranja imovine i osiguranja od automobilske odgovornosti, ugovorne strane nose i raspodjeljuju rizik u odnosu:

- 100 % TRIGLAV OSIGURANJE dd Sarajevo za usluge osiguranja zaposlenika, osiguranja od odgovornosti iz djelatnosti, osiguranja imovine i



bhansa

AGENCIJA ZA PRUŽANJE USLUGA U ZRAČNOJ
PLOVIDBI BOSNE I HERCEGOVINE
АГЕНЦИЈА ЗА ПРУЖАЊЕ УСЛУГА У ВАЗДУШНОЈ
ПЛОВИДБИ БОСНЕ И ХЕРЦЕГОВИНЕ
BOSNIA AND HERZEGOVINA AIR NAVIGATION
SERVICES AGENCY

- 100 % EUROHERC OSIGURANJE dd Sarajevo za usluge osiguranja od automobilske odgovornosti.

TRIGLAV kao lider u potpunosti će izvršiti obaveze osiguranja zaposlenika, osiguranja od odgovornosti iz djelatnosti, osiguranje imovine i da će za te izdate polise snositi 100% rizika, dok će EUROHERC OSIGURANJE DD Sarajevo u potpunosti izvršiti obavezno osiguranje od autoodgovornosti i da će za izdate polise osiguranja od automobilske odgovornosti nositi rizik 100%. „

U skladu sa prethodno navedenim grupa ponuđača je navedenim ugovorom o konzorciju isključila solidarnu odgovornost, te iz toga proizilazi da ponuda ponuđača Konzorcija : Triglav osiguranje dd i Euroherc osiguranje dd nije sačinjena u skladu sa tenderskom dokumentacijom. U skladu sa naprijed navedenim Komisija konstatuje da ponuda ponuđača Konzorcija : Triglav osiguranje dd i Euroherc osiguranje dd nije prihvatljiva.

Ponuda ponuđača Uniqa osiguranje d.d. Sarajevo je sačinjena u skladu sa tenderskom dokumentacijom, odnosno ista je prihvatljiva.

Vrijednost dostavljene prihvatljive ponude:

	Naziv ponuđača	Iznos ponude bez PDV-a (KM)
1)	UNIQA Osiguranje d.d Sarajevo	386.813,66 KM

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije. U postupku ocjene provedenog postupka, Uprava Agencije za pružanje usluga u zračnoj plovidbi BiH nije našla razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskim dokumentom. Uvidom u priloženu dokumentaciju, nesporno je da je izabrani ponuđač izabran primjenjujući kriterij ekonomski najpovoljnije ponude. Ukupna ponuđena cijena iznosi: 386.813,66 KM bez PDV-a.

Iz navedenih razloga, primjenom člana 64. stav (1) tačka a) Zakona o javnim nabavkama Bosne i Hercegovine, odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.



bhansa

AGENCIJA ZA PRUŽANJE USLUGA U ZNAČNOJ
PLOVIDBI BOSNE I HERCEGOVINE
АГЕНЦИЈА ЗА ПРУЖАЊЕ УСЛУГА У ВАЗДУШНОЈ
ПЛОВИДБИ БОСНЕ И ХЕРЦЕГОВИНЕ
BOSNIA AND HERZEGOVINA AIR NAVIGATION
SERVICES AGENCY



Dostaviti

- Konzorcij: Triglav Osiguranje d.d. Sarajevo i Euroherc d.d. Osiguranje, Dolina br.8, 7100 Sarajevo
- Uniqa Osiguranje d.d. Sarajevo, Obala Kulina bana 19, 71000 Sarajevo
- ASA Osiguranje d.d, Trg međunarodnog prijateljstva 25, 71000 Sarajevo
- web stranica
- a/a